



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno 483. Usque Ad Annum 561.

**Fleury, Claude**

**August. Vind. [u.a.], 1759**

**VD18 90117824**

§. 29. Cautinus Episcopus Claromontanus.

---

[urn:nbn:de:hbz:466:1-66066](https://nbn-resolving.org/urn:nbn:de:hbz:466:1-66066)

ipsis desint, sciant, atque alimenta resque alias necessarias ex *Ærario* Ecclesiæ subministrant. Episcopi de pauperibus leprosis singularem curam gerant. Concilium fundationem Xenodochii in Civitate Lugdunensi a Rege Childeberto, & Regina Ultrogotha ipsius Coniuge erecti confirmavit. Episcopi omnes subscripserunt, & prohibitum fuit Episcopo Lugdunensi & Successoribus ejus, ne quidquam Bonorum ad hoc Hospitium pertinentium sibi aut Ecclesiæ Lugdunensi usurpent, sed ipsis injunctum, curam gerere, ut illi Domui semper Administratores seduli præficiantur, ægrotantes eo numero, quem fundatio præscribit, alantur, & Peregrini suscipiantur.

Sæculum VI.  
A. C. 549.

6. 21.

c. 15.

Haud diu post celebratum hoc Concilium ex iisdem Episcopis decem Claromontii in Arvernia congregati condiderunt sexdecim Canones ex Concilio Aurelianensi excerptos. Istud Concilium actum est in Regno Theobaldi juvenis, qui Patri suo Theodeberto anno 548. fati functo successerat, anno Regni ipsius decimo quarto, post Clodovei Avii obitum trigesimo septimo.

to. 5. p. 401.

Greg. III.  
Hist. c. ult.

§. XXIX.

*Centinus Episcopus Claromontanus.*

His S. Gallus Claromontanus haud diu supervixit. Ipso defuncto, statim

Greg. IV.  
Hist. c. 6.

T t 5

Clericis

Sæculum VI. Clericis Catoni Presbytero Episcopatum  
 A. C. 549. gratulantibus, is, ac si Episcopus jam es-  
 set, Bonorum Ecclesiæ possessionem in-  
 vastit. Episcopi, qui ad celebrandas Ex-  
 equias S. Galli venerant, ipsius Corpore  
 sepulto, ad Catonem dicebant: *Videmus,  
 majorem populi partem te elegisse. Veni,  
 ut te Episcopum consecremus. Theobal-  
 dus Rex juvenis est, si accusationem con-  
 tra te afferat, tuam Defensionem apud  
 Regem suscipiemus, Imo sine Regis con-  
 sensu eum ordinare non oportuisset. Ca-  
 to, qui nihil certius esse, quam sibi Epis-  
 copatum obventurum, credebat, respon-  
 dit: *Quæ fuerit vita mea a juventute,  
 scitis; jejunavi, vigilavi, elemosynam  
 dedi. Sæpe noctes cantando Psalmos trans-  
 egi. Per singulos Clericorum gradus se-  
 cundum Canones ascendi. Decem annis  
 Lector, annis quinque Subdiaconus, Dia-  
 conus quindecim fui, & jam anni viginti  
 effluxere, ex quo Presbyter sum. Solus  
 superest Episcopatus, quem Ministerio meo  
 meritus sum. redite ad vestra, canonice  
 ordinari volo.* Ipsi jactantiam hujus Vi-  
 ri vehementer mirati redierunt.*

6. 7.

Igitur Cato jam se gerens ut Domi-  
 num, cum Cautino Archidiacono dure a-  
 gere cœpit, eidem Depositionem mina-  
 tus. Cautinus nihil ab ipso nisi Benevo-  
 lentiam animi petebat, seque obtulit ad  
 Regiam profecturum, ut ad eum ordi-  
 nandum

nandum Regis consensum obtineret. At Sæculum VI.  
A.C. 549.  
Cato ratus Cautinum sibi illudere, oblatum officium respuit. Cautinus sperni se intelligens valetudinem simulat, & noctu Claromontio egressus Metas contendit, ad Theobaldum Regem, eique S. Galli obitum denunciat. Rex, & qui forte Purpuratorum aderant, convocatis multis Episcopis statim Cautinum Episcopum Claromontii ordinari voluerunt. Itaque Catonis Mandatarii postea illo missi rejam confecta advenerunt. Rex Cautinum cum Clericis, qui inde venerant, remisit, Bona etiam Ecclesiæ, quæ attulerant, reddidit, & Episcopos atque aliquos suis Cubiculis Præfectos honoris causa comites viæ dedit. Clerici Civesque Cautinum lubenti animo receperunt; at Cato adduci non potuit, ut ei se submitteret; unde in illa Ecclesia ortum est Schisma, nam & ipse suos habebat Sectatores. Cautinus æmulum expertus inflexibilem ei & omnibus ejusdem amicis Bona Ecclesiæ, quibus fruebantur, ademit; iis vero, qui ad suam obedientiam redibant, adempta reddidit.

## §. XXX.

*Papæ Epistolæ ad Aurelianum &  
Valentinianum.*

Vigilius Papa Constantinopoli Epistola

la